

Republika e Kosovës

Kuvendi i Komunës-Vushtrri

Në bazë të nenit 12, paragrafi 1, shkronja "d" në lidhje me nenin 24, paragrafi 2, neni 40, paragrafi 2, shkronja "b" të Ligjit Nr. 03/L-040 për Vetëqeverisjen Lokale, neni 40.2 "b" dhe 41, paragrafi 2, shkronja "ç" të Statutit të Komunës së Vushtrrisë, si dhe në bazë të propozimit të Kryetarit të komunës, Kuvendi i Komunës së Vushtrrisë në mbledhjen e mbajtur më **29 shtator 2022**, merr këtë:

V E N D I M PËR APROVIMIN E BUXHETIT TË KOMUNËS SË VUSHTRRIË PËR VITET 2023-2025

1. Me këtë vendim aprohet buxheti i Komunës së Vushtrrisë, për vitet 2023-2025, konform Qarkoreve Buxhetore 2022/01 dhe 2022/02 për komuna të lëshuara nga MFPT-ja, për vitin 2023 dhe projeksionet për vitin 2023 dhe 2025.

2. Shuma e përgjithshme e buxhetit të Komunës së Vushtrrisë për vitin 2023 është **23,373,910 €**, prej të cilave për:

	Kategoritë buxhetore	2023	2024	2025
1.	Paga dhe mëditje	10,796,373 €	10,850,355 €	10,904,607 €
2.	Mallra dhe shërbime	3,904,187 €	3,999,000 €	4,047,393 €
3.	Shpenzime komunale	472,500 €	498,200 €	518,128 €
4.	Subvencione	942,000 €	990,000 €	1,059,070 €
5.	Shpenzime kapitale	7,258,850 €	8,590,845 €	9,393,711 €
	Totali:	23,373,910	24,928,400 €	25,922,909 €

3. Të hyrat vetanake të planifikuara për vitin 2023.....2,900,559.00 €.

4. Mjetet financiare të cekura në pikën 2 dhe 3 të këtij vendimi janë në pajtim me Qarkoret Buxhetore 2022/01 dhe 2022/02 të MFPT-së, si dhe në bazë të kufijve buxhetorë.

5. Për zbatimin e këtij vendimi obligohet: Drejtoria për Buxhet dhe Financa, Kryetari i komunës dhe drejtoritë tjera kompetente komunale.

6. Tabela 4.1- plani i ndarjeve buxhetore të shpenzimeve totale për vitet 2023-2025, (kopja e shtypur prej SZHMB, vulosur, nënshkruar nga Kryetari i komunës dhe ZKF). Tabela 4.2 – financimi i projekteve kapitale për vitin 2023 dhe projekteve kapitale shumëvjeçare për vitin 2023-2025 (shtypur nga sistemi PIP, vulosur, si dhe nënshkruar nga Kryetari i komunës dhe ZKF-ja).


Tabelat 4.3 plani afatmesëm i të hyrave totale të buxhetit komunal nga grantet qeveritare dhe të hyrat vetanake (shtypur nga BDMS, vulosur, nënshkruar nga Kryetari i komunës dhe ZKF-ja), si dhe tabelat e buxhetimit të përgjithshëm gjinor janë pjesë e këtij vendimi, të bashkëngjitura në shtojcë.

7. Ky vendim hynë në fuqi pas aprovimit dhe nënshkrimit nga Kryesuesi/ja i/e kuvendit dhe i njëjti i dorëzohet Ministrisë së Financave për zbatim.

Melihate Basholli-Latifi



Kryesuese e Kuvendit



Republika e Kosovës

Kuvendi i Komunës-Vushtrri

Në mbështetje të nenit 12, paragrafi 2, shkronja “d”, nenit 40, paragrafi 2, pika “c” të Ligjit Nr.03/L-40 për Vetëqeverisjen Lokale, nenit 9, pika 1 të Ligjit Nr.06/L-005 për Tatimin në Pronën e Paluajtshme, si dhe në bazë të nenit 41, paragrafi 2, pika “ç” të Statutit të Komunës së Vushtrrisë, Kuvendi i Komunës së Vushtrrisë në mbledhjen e mbajtur më **29 shtator 2022**, merr këtë:

VENDIM
për caktimin e normave tatimore të pronave

1. Me këtë vendim bëhet caktimi i normave tatimore për të gjitha kategoritë e pronave me përjashtim të kategorisë pronë publike, dhe atë si në vijim:


Lloji i pronës	Norma e tatimit në %
Pronë rezidenciale (banesë-apartmant)	0,15
Njësi rezidenciale-parcelë	0,15
Pronë rezidenciale - shtëpi	0.15
Pronë komerciale	0.21
Njësi komerciale-parcelë	0,18
Pronë industriale	0.18
Njësi industriale-parcelë	0,18
Pronë bujqësore	0.15
Njësi bujqësore-parcelë	0,15
Njësi pyjore parcelë	0,15
Pronat e pamermetuara dhe jo të gatshme për banim	0.15
Garazhet	0.15
Objektet e braktisura	0.15
Pronat komerciale (pishinat, fushat sportive etj).	0.21
Pronat e pamermetuara dhe jo të gatshme komerciale	0.20

3. Për zbatimin e këtij vendimi obligohet: Drejtoria për Buxhet dhe Financa si dhe drejtoritë tjera kompetente komunale.

4. Ky vendim hyn në fuqi shtatë (7) ditë pas publikimit në faqen zyrtare të Komunës së Vushtrrisë.

Melihate Basholli-Latifi

Kryesuese e Kuvendit



Republika e Kosovës

Kuvendi i Komunës-Vushtrri

Bazuar në nenin 12, paragrafi 12.2, shkronja “d” të Ligjit për Vetëqeverisjen Lokale Nr.03/L-040, (Gazeta Zyrtare e Republikës së Kosovës Nr. 28/04 qershor 2008) nenin 7 të Ligjit për Bashkëpunim Ndërkomunal Nr. 04/L-010 (Gazeta Zyrtare e Republikës Nr. 7/10 Gusht 2011), nenin 40, par. 40.2, shkronja “ç” të Statutit të Komunës, Kuvendi i Komunës në mbledhjen e mbajtur më **29 shtator 2022**, merr këtë:

V E N D I M

Për miratimin e nismës për bashkëpunim ndërkomunal mes Komunës së Vushtrrisë dhe Komunës së Obiliqit

1. Me këtë vendim miratohet nisma e Kryetarit të Komunës së Vushtrrisë 02Nr.1196/22 datë 22.9.2022 për bashkëpunim ndërkomunal në mes të Komunës së Vushtrrisë dhe Komunës së Obiliqit.
2. Autorizohet Kryetari i Komunës së Vushtrrisë që pas konsultimeve me Kryetarin e Komunës së Obiliqit të përgatisë Draft-Marrëveshjen e mirëkuptimit për financim të përbashkët të projektit “Ndërtimi i Trotuarit dhe Shtegut për Biçikletë me Infrastrukturë, Prelluzhë-Plemetin” në gjatësi L=3300 m, gjerësi L= 2.80 m. Vlera e projektit është: 474,847.96 €, prej të cilave Komuna e Vushtrrisë do të participojë me 253,252.20 € ose 1760 m gjatësi, ndërsa Komuna e Obiliqit me 221,595.80 € ose 1540 m gjatësi.
3. Draft-marrëveshja, bazuar në procedurat e caktuara ligjore, i dërgohet Kuvendit të Komunës për shqyrtim dhe miratim.
4. Ky vendim hyn në fuqi shtatë (7) ditë pas publikimit në faqen zyrtare të Komunës së Vushtrrisë.

Melihate Basholli-Latifi



Kryesuese e Kuvendit



REPUBLIKA E KOSOVËS - REPUBLIKA KOSOVO
KOMUNA E VUSHTRRISË - OPŠTINA VUČITRN

Nr. / Br. 234/22

Nr. i sq. / Br. at -1-

Data / Datum 29.09.2022

VUSHTRRI - VUČITRN



Republika e Kosovës

Kuvendi i Komunës-Vushtrri

Bazuar në nenin 12, paragrafi 2, shkronja "d" të Ligjit Nr. 03/L-040 për Vetëqeverisjen Lokale, nenin 41, paragrafi 2, shkronja "ç" të Statutit të Komunës, Kuvendi i Komunës së Vushtrrisë në mbledhjen e mbajtur më **29 shtator 2022**, merr këtë:


VENDIM
për aprovimin e raportit të komisionit komunal

1. Me këtë vendim aprovohet raporti i komisionit komunal për verifikimin e procesit të dhënies të pronës komunale në shfrytëzim, verifikimi i dokumentacionit, investimet e bëra nga investitori dhe kontratat e punëtorëve, lidhur me ish-objektin e shkollës fillore "Migjeni" në fshatin Stanoc i Epërm, i cili ishte dhënë në shfrytëzim me kontratën me numër të protokollit 02-Nr.211/21 e datës 5.3.2021 Kompanisë së tekstilit "Vitex Group".
2. Obligohet Drejtoria e Inspektimeve që në bashkëpunim me Drejtorinë e Kadastrit të Komunës së Vushtrrisë, që në një afat të arsyeshëm ligjor të ndërmarrë veprimet e nevojshme për lirim të objektit të ish-shkollës fillore "Migjeni" ashtu që fabrika "Vitex Group" t'i largojë pajisjet nga objekti në fjalë.
3. Për zbatimin e këtij vendimi obligohen: Kryetari i komunës, Drejtoria e Inspektimeve, si dhe Drejtoria për Gjeodezi, Kadastër dhe Pronë.
4. Ky vendim hyn në fuqi shtatë (7) ditë pas publikimit në faqen zyrtare të Komunës së Vushtrrisë.

Melihate Basholli-Latifi

Kryesuese e Kuvendit





Republika e Kosovës

Kuvendi i Komunës-Vushtrri

Bazuar në nenin 12, paragrafi 2, shkronja “d” të Ligjit Nr. 03/L-040 për Vetëqeverisjen Lokale, nenin 41, paragrafi 2, shkronja “ç” të Statutit të Komunës, si dhe duke marrë për bazë opinionin e Agjencisë Kundër Korrupsionit, me numër të referencës 06.02/1326/22 i datës 25.03.2022, Kuvendi i Komunës së Vushtrrisë në mbledhjen e mbajtur më **29 shtator 2022**, merr këtë:

VENDIM

për pezullimin e aktiviteteve në Parkun Industrial në fshatin Lumadh

1. Me këtë vendim pezullohet vendimi i Kuvendit të Komunës të Vushtrrisë me numër të protokollit Nr.81/21 i datës 16.04.2021 për Dhënie në Shfrytëzim Afatgjatë të Pronës së Paluajtshme të Komunës, ashtu që pezullohen të gjitha aktivitetet në Parkun Industrial (projektit Zona Ekonomike në fshatin Lumadh), deri në një vendim tjetër të Kuvendit të Komunës së Vushtrrisë, duke marrë për bazë opinionin e Agjencisë Kundër Korrupsionit.
2. Kuvendi i Komunës së Vushtrrisë do t'i njoftojë organet e drejtësisë me shkresat e lëndës që lidhen me çështjen e projektit Parku Industrial në fshatin Lumadh.
3. Kuvendi i Komunës së Vushtrrisë do t'i drejtohet me shkresë zyrtare Ministrisë të Administrimit të Pushtetit Lokal për të marrë opinion ligjor (konsultim paraprak) lidhur me çështjen e Parkut Industrial në fshatin Lumadh.
4. Për zbatimin e këtij vendimi obligohen: Kryetari i komunës, Kryesuesja e kuvendit, Drejtoria për Gjeodezi, Kadastër dhe Pronë si dhe drejtoritë tjera komunale që lidhen me domenin e kompetencave me çështjen e Parkut Industrial në Lumadh.
5. Ky vendim hyn në fuqi shtatë (7) ditë pas publikimit në faqen zyrtare të Komunës së Vushtrrisë.

Melihate Basholli-Latifi

Kryesuese e Kuvendit

